



www.khiv.ru/pressa

# АКУ ХЯД

## Светлая звезда

Хив райондин жямаятдинна сиясатдин газет

№ 36(5594)

15-ти сентябрь, 2019-пи йис

Газет гьяфтайиш сабан удубчівура

Кыямат 3 манатна 68 кепек



Райондин  
администрацияйи

## Райадминистрацияйин нубатнан совещание

9-пи сентябрь райадминистрацияйин конференц-зали райадминистрацияйин нубатнан совещание гьабхьну. Совещаниейин ляхни райадминистрацияйин отделарин, районийин али идарийрин, тешкилатарин, руководители иштирак гьабхьну. Совещание «Хивский район» МО-ийн администрацияйин главайин заместитель Агамирзэ Гамзабековди ачмиш гьабхьну ва клулерира гьабхьну.

Совещаниейин гьулху финансарин ва налогарин отделин начальник Абдулгамид Беговди районди цийин йисандин 8 вази налогар уч апбан план 102,4 процентдин тамам дапнайиваликан, хьа НДС-ин ва ЕСХН-дин план тамам дапну адруваликан гьабхьну. Дугьу гьацира гьийин йигьазькан гьуларин поселенийрин администрацияйи налогар уч апбан цийин йисандин план 56,6 процентдин тамам дапнайиваликан ва сентябрин вазиин маважибдин сабли пай идарийри хьадапнайиваликан хабар тувну.

Хьасин совещаниейин гьулху райадминистрацияйин муниципальный жилин гьозчивалин, жилин аьлакьирин ва гьулан мяишатдин отделин начальник Байрамбег Кучевди гьулан мяишатдин жилин участокарин кадастровый кымат гележегжи за хьуб мумкин вуйиваликан, галин участокар «Ярак» чьвар али ООО-ий 130 гектарин, «Лях-линский» СПК-ий 100 гектарин, «Юзбековский» СПК-ий 30 гектарин изнар дапнайиваликан хабар тувну. Дугьу аьлава гьабхьганси, мал-кьара галариз кюч апбаз гьазур-лугьар гьахура, ятгьар, малдарарин хулар ремонт апура, шухьди тамин апбан ляхнар гьахура.

ЖКХ-ийн, архитектурайин ва тикилишчиалин отделин начальникдин вазифайи тамам апурайири вуйи Гаджи-Бала Ибрагимовди гьулар безетмиш апбан бадали жилин участокар жара дапну куниваликан, думу участокар безетмиш апбан дизайн - проект ар дюзмиш апбан гьабхьну.

РОО-ийн начальник Назарали Аслановди мектебарийи цийи урху йис тешкил-лувалинди башламиш гьабхьваликан, мектебарин авто-

бусар лицензироват апбан, тарификацияйин месэлийири гьал апувал ульхи дийгь-найиваликан гьабхьну.

ЦРБ-ийн клулин дуктрин вазифайири вахтининди тамам апурайири вуйи Джемила Важибовайи чан улхбарийи райондин больницайи 15 врач, гьадму гьисабнаан вуди 10 врач «Земский доктор» програм-майин бинайинди жалб дапнайиваликан, чпин работникариз августдин вазиин аванс пул тувнайиваликан хабар тувну.

Культурайин, спортдин, жигиларин политикайин ва туризмийн отделин начальник Казбек Казиевди культурайин маканарин работникар Дагьустандин халкьарин сативалин Йигьандин машкьрихьна гьазур шулайиваликан, культурайин маканарин работникар хьабхьди совещание клули гьабхьваликан. Душв ин зегьметнан низамдин гьакьнаан вуйи месэла гьал гьабхьваликан, августдин вазиин маважиб чпин вари работникариз тувнайиваликан мялум гьабхьну.

Хив ва Агьул райондин военный комиссар Пирмагомед Кубачевди чпиз чьвин призьвдин вахтна 60 бай армияйи гьаббан наряд тувнайиваликан ва думу призьвдихьна чиб гьазур шулайиваликан хабар тувну.

Совещаниейин гьацира райадминистрацияйин юрист Аслан Исаев, ГО-ийн, ЧС-дин ва ЛПСБ-ийн отделин начальник Магомед Рагимханов, ЦЗН-дин директор Абдулазиз Агамирзаев, УСЗН-дин начальник Рафидин Юсуфов ва жара колдшар гьулху. Дурари чпи ва чпин коллективарийи клули гьахурайи ляхнарикан жижьки информацияри тувну.

Совещаниейин Агамирзэ Гамзабековди бязи руководители улубьнайи гьяфтайиш дапну кундайи ляхнарикан гьабхьну ва дурариз кьатг и табуш-ругьар тувну.

Пресс-центр.

## Дагьустандин халкьарин сативалин Йигь мубарак апулб

Хив райондин гьюрматлу аьгалйир!  
Учвуз Дагьустан Республикайин вартланна аьхю машкьварикан саб вуйи-Дагьустан Республикайин халкьарин сативалин Йигь мубарак апураза!

Му машкьвар сифте вуди 2011-пи йисан 15-пи сентябрь кьайд гьабхьни. Думу 1741-пи йисан Надир-шагь клули аи Ирандин кьушмар Дагьустандина алжакьган дагьустанлуири чапхунчирийин гьалиб хьувалихьди аьлакьалуб ву.

Вари вахтари аьгалйирин сативали, дурарин миллетдилан, диндиплан асплу дарди, аьхю гьалибвалар арайиш хури гьаьхьну.

Дагьустан иьх уьлкейин вартланна гизаф миллетар яшамии шулайи регион ву. Мушваь ислягьвалинди, мясялятнинди 100-дилан зиина халкьар ва этнический дестийр яшамии шула. Тарихдиз дагьустанлуири сари-сариз, саб миллетди-тмуну миллетдиз кюмекар туву, тереф гьабхью мисалар гизаф мялум ву. Дицисдар вахтар халкьди марциди, пакди кьавинна уьрхура.

Дагьустандин халкьарин сативалин Йигьу дагьулу уьлкейин ужудар аьдатар уьрхьаз ва артухь апбаз мумкинвал туверу.

Учвуз варадариз Дагьустандин халкьарин сативалин Йигь мубарак апураза!  
Варидариз ислягьвал, уж валар, иьх район Дагьустан ва Россия бадали зигурайи зегьметнаь хьурьувалар хьуб ккун апураза. Халкьарин арайиш сативал ва дуствал, мясялятвал имбубсан мягькам ишири!

«Хивский район» МО-ийн глава Я.А.Ярметов.

## Дагьустандин халкьарин сативалин Йигь

Дагьустандин халкьарин сативалин Йигь-му иьх республикайин халкьарин аьхю

ди аьлакьалу вуйи гьядисйир 1741-пи йисан клули гьушну. 18-пи аьсрин кьяларийи Ирандин полководец Надир-

сифте вахтари Надир-шагьдин чапхунчивалин планар чаз ккунганси клулзира



машкьварикан саб ву. Му машкьвар 2011-пи йисанмина гьар йисан 15-пи сентябрь кьайд апура. Му машкьварин йигь 2011-пи йисан 6-пи июли Дагьустан Республикайин Президентдин 104-пи нумрайин Указдин бинайинди Дагьустандин гизаф миллетарикан ибарат вуйи халкь сатли апбан ва дурарин арайиш дуствал, мясялятвал гележегди имбубсан мягькам апбан мураднинди тьйин гьабхьну ву. Му йигь эрг вал йивру йигь вуди мялум дапна. Му машкьрихь-

шагь ужуйи яракьмиш духьнайи, 100 агьзур касдикан ибарат вуйи кьушмарин клули ади Кавказдинна яракьюь учьвийи. Дугьан кьушмар кьюб терефнахьанди, яни Дербентдин, Кайтагьдин, Тарковский шамхальствоийин Мехтулинский ханствоийин меркез вуйи Дженгутайин ва Шагь-Дагьдин, Магьу-дерейин, Казии-Кумух ва Хунзах тереферихьанди Дагьустандина алжакьгану. Дурариз вари Дагьустан чпиз мютлюгь апури ккун гьабхьну.

удучьвири гьаьхьну. Аьхю армияйи саб-сабдихьди гьалибвалар гьазанмиш апури, инсанарин аьрвалар гьахури, дурар терг апури гьаьхьну. Натияжайиш, Казии-Кумух чпиз мютлюгь дапну, шагьдин кьушмар Андалалин сьргьатарихьна хьурькьну. 1741-пи йисан 12-пи сентябрь дурар шагьрийи архьуз хьогьну. Гьадму саб вахтна шагьдиз мютлюгь хьуз даккундайи дагьустанлуири дяви гьозлемииш апурайи.

(Аьхир 2-пи маиннаь)



# Операция «МАК-2019»

С 30 сентября по 9 октября на территории муниципалитета проходит четвертый этап ежегодной межведомственной комплексной оперативно-профилактической операции «МАК-2019».

Как отметил оперуполномоченный уголовного розыска по линии незаконного оборота наркотиков ОМВД России по Хивскому району Алипулат Хидиров, операция направлена на выявление и ликвидацию незаконных посевов, запрещенных к возделыванию растений с содержанием наркотических веществ, выявление и привлечение к ответственности лиц, которые осуществляют незаконное культивирование запрещенных к возделыванию растений с наркотическими веществами, выявление и перекрытие внутрирайонных и трансграничных каналов незаконной транспортировки наркотических средств растительного происхождения, задержание и привлечение к ответственности распространителей и сбытчиков наркотических средств растительного происхождения.

«Сотрудники ОМВД особое внимание уделяют мероприятиям, направленным на выявление фактов незаконного культивирования запрещенных к возделыванию растений, в состав которых входят наркотические вещества. Разъяснительная работа участковыми уполномоченными полиции проводится с населением на местах при подворном обходе. Просим жителей района быть бдительными и оказать содействие в искоренении этого зла», - подчеркнул он.

# Зегьметкеш жигьил - гьулаъ

Гьулаъ яшамин шуз ккундай касди, гьуцлан дуланажагьдихди, ляхин-кар, аьдат-аьдалат убьхори, уьмур хьапшну ккунду. Шагьраниан гьулариз марццишнар гьафну клуру гьафаринди, шагьрарисдар хулар, хуларин ремонтар алувалар, утканвалар гьафну клури, шагьрарин уьмрихьди гьуларин уьмрура теуз хай даршул. Гьулариз шагьрариси дуланмиш шулзагьапну клури, удукьру ляхина дар. Душвариь айдариин уларики ягьли хуларна машинар ккахьраш, гьулариз дуланмиш шулайидарин уларики малар, марччар, пеэр, гьазар ва гьамсана жара чивишнар ккахьну ккунду. Шагьриь хьаптраий уьмриь гьаму чивишнар айдаьр дар, хьа гьулариз дуланмиш шулайирин вари ади ккунду - гьаддиз клуру гьулан уьмур.

Му зиихь ктуху чивишнарилан гьайри гьулажуву жилищьра гизаф зегьмет дизигну ккунду, гьаз гьапиш чахь зегьмет гьизигу жили уьхузара хайи тувру. Гьуларин удучну шагьрариз гьягьюрайидар, гизафна-гизафси гьулариз чпин пишекварлиз гьилигу ляхин адрувализ дилигну гьягьюрайидар ву. Хьа а пишекварлихьна дурхну адрудар, мал- гьарайихьдира, гьамсана жилихьдира ляхин алуз дакунди гьягьюрайидар. Хайлиндари клури шулу: «Ичи гьомбе иплури шагьрариз ужу ву, гьаму памзаригьна кьуруш хьтибшури гьулаъ шайиз. Дюз дар, шагьрариз айдарихьан саб гьяфтайиь гьул ан гьафи хьлижкьан уьрхюз шулдар. Шубупни йиьгу улдубчиси уьл гьадабгьуз тукандиз гьаьру, хьа гьулариз шагьрарин гьафидар, вазаринди, йисаринди, хьтарш абайи - бабу пулра туври, уьрхюру. Хизан уьхюз, зегьмет зигуз ккуни касдиз

ва мублагьди дуланмиш шулаз клуруриз, гьулаъ вари а.

Гьаму ихтилатнаъ Гьуштил гьул ан вуйи, чан гьякь гьулажви вуйи Назаралиев Фармандиз вари уьжудар гьафар бахш алуз ккундузуз. Гьулариз юькуб лиж марччаркан кьюб лиж гьахьну, вари циб апбахь хьа, Фарман - артухь апбахь. Гьулаъ дуланмиш духьну гьаз ву клура, гьадларра дюрюрухруган. Чан хизандиз гьилигубтлат артухь малар-марччарра уьрхюра ва пезрилан гьадабгьну имбу жара чивишнара. Хизандин иплуб - уухура, гьадгьу зигурайи зегьметназ гьилигуб шула.

Малар-марччарилан гьайри, Фарманди гьайран шлусдар ляхнар гьахура чан бистниь. Душваъ лик иливру йишкьан ишлетмиш дарапрайишвар адар. Дугьан бистниь, ихь гьуларин бистнариь шударикан ктруб адар, тамаша алузкьан утканди дебкна. Зигурайи зегьметназ гьилигуб дугьу ккадабцурра а. Фарман учв мялибра ву, мялимиси, зегьметкеси, ихь райондин кьакнаъ айи спортсменарихьди саб жергейиь айи спортсменра ву. Райондин гьахурайи вари серенжемариь думу иштирак шула. Зегьмет зигбиин юкв аливалиан, му кас вари йишварихьинди хьуркьара. Ав, Фармансдар зегьметкеш жигьилар ихь арайиь гизафдар адар, тьагьрувалиь клуп ипну, гьубшу йиьг, гьиплу уьл клурудар гизаф а. Гьулаъ дуланмиш шулайихьантина, гьякь гьулажвиси дуланмиш духьну ккунду, хьа гьази удукьурадарш, шагьрариз ичи гьомбе иплури даланмиш хьуб рягьят ву.

Кун алузгьа Фармандиз ва гьадгьуси зегьмет зигурайи имбу ихь районагьлийириза чли алурайи ляхнариь хьанара аьхю вуйи хьуркьуларар хьуваьл.

Махмудбег Казимагомедов.

# Кайванийиз мясляьтар

**Майонез кайи салат:**

Дижикну марцц дапнайи кьултар аьхю урхьар айи рукь ан йивай, келем ва гули гарклинди ккуруди уркай ва цибди кьил кабьну тибшай. Гьамрар вари кидикьай. Дурарин зиьлан майонез улубзай ва хьана кидикьай.

Салатдиз лазим шулу:

300 гр. кьултар, 300гр. келем, саб клуп гули, кьил, 100гр майонез.

**Турфнанна кьултарин салат**

Дижикну марцц дапнайи турф ва кьултар аьхю урхьар айи рукь ан йивай, семичкайин ччим ккузну кидикьай. Салатдик тьяьмназ дилигну кьил кабьай.

Лазим шулу: саб кьялан жюре турф, 3 аьхюстар кьултар, 50 гр. семечкайин ччим.

**Машквин торт**

Му торт машкварин суфрийириз ярашгьуб ву. Думу гьязур алубра читин дар.

Машквин торт гьамци гьязур алуру: 7 муртин лизидар саб гьабраъ ккархру, амма ккабьси ваъ, хьа гьаммишан саб жьурназди, лизидариз каф удубчивуз хьюьбгиган, дурарик 2 – 3 чайран муччвриь айи шекер кабьру, саб

арайилан - хьана 5 муччвур. Лизидар нуру лизи кафран гьалназ гьюру. Торт убжру тава дабгьну, дидкан кламу ктабтуру. Тавайиь дигаьмуччвриьди, арйириь 3 – 4 см манзил имиди лизидарин кафси узари, ккикарстар алуру ва тава духовкаийи ивру. Лизи ккикар гьизирхган, тава духовкаийан адабгьуру, ккикар аргьуз гьитру.

Тортназ крем гьамци гьязур алуру: 400 гр. кламдик саб банклиь айи сгущенный никк капру. Му гьаршшайиь 3 – 2 чайран муччвриь айи какаийин порошок кабьруз шулу.

Аьхю ленрейиь гьат-гьятиди муртин лизиддин ккикар иври, дурарин крем алапуру. Эгер аш, кремдин зиьлан хифран гьярягью кинцарра алахьуру, я деебцну шоколад улубзур.

## О Б Ъ Я В Л Е Н И Е

Утеренный аттестат за № 1317232 на имя Серкерова Габипуллаха Аслановича, выданный в 1997 году МКОУ «Архитская СОШ им. Аплахвердиева С.А.» Хивского района РД, считать недействительным.

# Погода на неделю

|                                  | 16 сентября |      | 17 сентября |      | 18 сентября |      | 19 сентября |      | 20 сентября |      | 21 сентября |      | 22 сентября |      |
|----------------------------------|-------------|------|-------------|------|-------------|------|-------------|------|-------------|------|-------------|------|-------------|------|
|                                  | ночь        | день | ночь        | день | ночь        | день | ночь        | день | ночь        | день | ночь        | день | ночь        | день |
| Облачность                       |             |      |             |      |             |      |             |      |             |      |             |      |             |      |
| Осадки                           |             |      |             |      |             |      |             |      |             |      |             |      |             |      |
| Атм осферное давление, мм.рт.ст. | 683         | 685  | 679         | 682  | 680         | 681  | 680         | 681  | 681         | 683  | 676         | 682  | 676         | 683  |
| Температура в воздуха, С         | +14         | +20  | +12         | +22  | +13         | +24  | +13         | +24  | +15         | +17  | +14         | +22  | +15         | +24  |
| Влажность воздуха, %             | 80          | 81   | 77          | 80   | 68          | 71   | 50          | 53   | 85          | 87   | 80          | 83   | 60          | 62   |
| Ветер м/с                        | В           | В    | В           | В    | В           | В    | В           | В    | В           | В    | З           | З    | В           | В    |
|                                  | 3           | 3    | 2           | 2    | 3           | 3    | 2           | 2    | 2           | 2    | 2           | 2    | 2           | 2    |

**УЧРЕДИТЕЛЬ:** администрация муниципального образования «Хивский район». Ответственный за выпуск - Р. Балабеков. Главный редактор - А.А. Агадашев.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан. Регистрационный номер ПИ №ТУ05-00313 от 12 мая 2015г.

Авторы несут ответственность за достоверность представленных для публикации материалов. Рукописи не рецензируются и возвращаются. Индекс газеты: 51374. Тел: 8-909-483-20-27

Газета набрана и сверстана на компьютерной базе МБУ «Пресс-центр МО «Хивский район» и отпечатана в типографии № 3, г. Дербента Республики Дагестан, ул.С.Курбанова, 25.

Адрес редакции и издателя: 368680, Хивский район, сел. Хив, ул. Советская, 8, МБУ «Пресс-центр МО «Хивский район». Срок подписания в печать - 11.09.2019г.-17:00 ч. Подписано в печать - 13.09.2019г.-13:45 ч. Тираж 415. Заказ №